

數日。張果內渡。瀕行留書一冊贈汝謙。發視之。合肥李經方鄉試朱卷也。是時上海阜康錢莊歇業。耗合肥李氏資甚鉅。文忠以咎經方。故經方避居日本。爲此狡獪。後汝謙仕官頗達。經方之力爲多。而其弟汝恆亦善張道東。酒酣耳熱。輒罵合肥。故不爲所喜焉。

楊中丞選孫

闕名

德興楊靖伯中丞。重雅撫廣西時。臨桂張季端學使建勳。方爲諸生。應書院試。屢列高等。中丞奇賞之。嘗召入節署。與文譙。既謂其長子婦曰。張秀才溫文爾雅。前程未可量。若有女。曷以妻之。長婦曰。張乃某街糕餅肆子也。奈何以中丞孫偶餅師兒乎。中丞又繩張於次子婦。次婦曰。翁謂可壻。卽壻之耳。何敢違。遂贅以女。楊氏子姓皆鄙侮之。張頗不能堪。中丞因資以金使歸。及己丑科。張以一甲第一人及第。而中丞已歸道山。不及見矣。中丞長子婦之女。後適黃縣賈相國家。其婿名位皆不顯。且夫婦俱早卒。

記容閔

闕名

客有談容閔事者。聞之使人感喟不已。故特泚筆記之。容閔粵東人。年七歲。卽學於英教士之門。十三從美教士普拉溫普。愛其才。攜之回國。使就學於葉爾大學。時年十九。後七年。畢業回籍。又十年。始受知於曾湘鄉。同治中。創機器局於江南上海等處。曾使容赴美購置物料。容因建議。遣送華人子弟遊學美國。曾氏納之。遂使容監督學生。兼充駐美副使。適華工在秘魯古巴諸國受虐待。事聞中朝。使容就近往查屬實。遂禁止移。民秘魯已而會死。李合肥當道。國論一變。召游美學生回國。皆未成學。容大失意。遂留美。廿年不還。先

是容已娶美婦。舉二子。今皆卅餘歲矣。甲午之役。容雖在海外。然仍不忘故國。時張南皮主持戰論。其幕客某與容識。容乃因之獻策於張。其一曰。請親赴倫敦。借款一千五百萬兆。購辦現成鐵甲艦三四隻。招借洋兵五百。由太平洋出。拊日本之背。以阻其西侵之勢。其二曰。借款歐洲某國四億弗。以臺灣爲抵押。九十九年還清。大興海陸兩軍。以挽頹勢。張納第一策。飛電促赴英。容急詣倫敦。就富商謀之。富商咸欲以海關爲抵。合肥與赫德皆不欲。議將成而寢。後數年。日皇簡兒玉中將爲臺灣總督。一日有白髮短軀者來。投刺書容。閱兩字。兒玉出見之。極道傾慕之意。已而曰。今竊爲足下危者一事。容不解。促膝問之。兒玉曰。前者浙閩總督致書言。容閱苟來。請捕拿解交。蓋謬傳容爲康黨也。兒玉語已。竊窺容色。容不稍動。曰。公欲捕我。固無所逃命矣。雖然。我爲祖國謀。爲忌者所中。此士之策也。兒玉笑曰。我不爲貴國捕吏。請足下勿慮。因出報紙一張示之。曰。此事爲何人提倡。蓋所錄者。卽容向所建第二策也。容受之。讀竟。曰。此非他人。卽我之策也。舉右手叩其胸者三。乃繼語曰。此言借款億弗。非事實也。吾欲借者。特其半耳。兒玉笑而領之。容曰。他日苟臨國難。吾將復建此策。人不能奪吾志也。時兒玉將東歸。勸容俱往。容適患喘。不果行。居數日。遂詣香港。兒玉派兵四人。晝夜爲之警護。已而容自著小傳紀此事。曰。余於兒玉總督。雖僅傾蓋之交。然實余終身知己也。其於湘鄉。尤極推服。傳中亦屢言及之。今容年八十餘。淪落海外。日惟以著述自遣。亦良可憐矣。

明桂王致吳三桂書

闕名

有明末造。史忠正致容親王一書。膾炙人口。婦孺輩類皆耳熟能詳。幾於口角流沫。右手舐矣。不知明桂